

# ԻՇԽԱՆԱՓՈԽՈՒԹԻՒՆ՝ ԻՐ ԽԱՅՏԱԲՂԵՏ ԵՐԵԻՈՅԹՆԵՐՈՎ

*Posted on August 20, 2018 by Keghart*



Category: [Opinions](#)



**Պ. Աղպաշեանի այս ակնարկը արձանագրուած էր երբ Բ. Նախագահը կալանաւորման ենթակայ էր եւ հեղինակը կը զգուշացներ, «ժողովուրդը կողմնակից էր Նախկին Նախագահ Ռոպերթ Քոչարեանի բերման որոշումին ու զայն ամբաստանելու գործին, բայց, միեւնոյն ժամանակ մտահոգ, թէ ան կրնա՞յ մետասաներորդ պահուն «արդարացուիլ», այնքան ատեն որ Հանրապետականներ արդէն գործի լծուած են, իսկ արտաքին կողմեր նոյնպէս հետամուտ են Քոչարեանը «անպարտ» յայտարարելու քարոզչութեան:» - Խմբ.**



**Պարոյր Յ. Աղպաշեան , Պէյրուզ, Օգոստոս 2018**

Հայաստան վերջին այցելութիւնս, անտարակոյս, քիչ բաներով կը յիշեցնէր Նախորդները, ի տես՝

- Չբօսաշրջիկներու առատութեան, հայ թէ օտար
- Մայրաքաղաքին առաւել գունագեղութեան ու պէսպիսութեան
- Ճաշարանային եւ ընկերային վայրերու աչքառու ճոխութեան ու փարթամութեան
- Գլխաւոր պողոտաներու երթեւեկի ահաւոր խճողումին (յատկապէս՝ ինքնաշարժներու)
- Նորակառոյց շէնքերու ու համալիրներու բազմացումին
- Հայկականի կողքին, արեւելեան եւ արեւմտեան համադամներու առատութեան

Մէկ խօսքով, վերոյիշեալ առումներով, Հայաստանը մեծ ուստումներով կը յառաջդիմէ, զբօսաշրջիկներ ներքաշելով երկրէն ներս:

**Պ. Աղպաշեանի այս ակնարկը արձանագրուած էր երբ Բ. Նախագահը կալանաւորման ենթակայ էր եւ հեղինակը կը զգուշացներ, «ժողովուրդը կողմնակից էր Նախկին Նախագահ Ռոպերթ Քոչարեանի բերման որոշումին ու զայն ամբաստանելու գործին, բայց, միեւնոյն ժամանակ մտահոգ, թէ ան կրնա՞յ մետասաներորդ պահուն «արդարացուիլ», այնքան ատեն որ Հանրապետականներ արդէն գործի լծուած են, իսկ արտաքին կողմեր նոյնպէս հետամուտ են Քոչարեանը «անպարտ» յայտարարելու քարոզչութեան:» - Խմբ.**



**Պարոյր Յ. Աղպաշեան , Պէյրուզ, Օգոստոս 2018**

Հայաստան վերջին այցելութիւնս, անտարակոյս, քիչ բաներով կը յիշեցնէր Նախորդները, ի տես՝

- Չբօսաշրջիկներու առատութեան, հայ թէ օտար
- Մայրաքաղաքին առաւել գունագեղութեան ու պէսպիսութեան
- Ճաշարանային եւ ընկերային վայրերու աչքառու ճոխութեան ու փարթամութեան
- Գլխաւոր պողոտաներու երթեւեկի ահաւոր խճողումին (յատկապէս՝ ինքնաշարժներու)

- Նորակառոյց շէնքերու ու համալիրներու բազմացումին
- Հայկականի կողքին, արեւելեան եւ արեւմտեան համադամներու առատութեան

Մէկ խօսքով, *վերոյիշեալ* առումներով, Հայաստանը մեծ ուստումներով կը յառաջդիմէ, զբօսաշրջիկներ ներքաշելով երկրէն ներս:

Ասոր վրայ պետք է աւելցնել հայաստանցիներուն անխառն ուրախութիւնը եւ մեծ խանդավառութիւնը իշխանափոխութեան կայացումով, որ իրենց տուած է *վերապրելու* նոր ժամանակաշրջան մը, հեռու բռնատիրական մթնոլորտէն ու ճնշումներէն:

Ճիշդ է, այդ ոգեւորութիւնը *հասարակաց* եւ *ընդհանրական* է, որովհետեւ ամբողջ ժողովուրդը, վերջապէ՛ս, դուրս եկած է տիրող իշխանաւորներու համակարգէն, բայց, բոլորին մօտ ալ կայ, մեղմ ըսած, որոշ զգուշաւորութիւն մը, սպասողականութիւն մը: Լա՛ւ, յետոյ ի՞նչ խորհրդածելով.

Վարչապետ Նիկոլ Փաշինեան համաժողովրդական ղեկավարը, պիտի կարենա՞յ «հայաստանեան նաւ»ը անցնցում եւ անխորտակ առաջնորդել, ի դէմս այն լեռնակուտակ մարտահրաւերներուն, որոնք ցցուած են երիտասարդ (եւ ինչ որ տեղ) անփորձառու կառավարութեան առջեւ:

Զէ՞ որ փտածութիւնը ամենուրեք է եւ ոչ միայն իւրաքանչիւր հարցի ու թղթածրարի ետին, այլեւ... ուղեղներու մէջ:

Տակաւին կայ այն մտավախութիւնը, որ՝ հասարակութեան լայն խաւերուն համար, տիրահռչակ Հայաստանի Հանրապետական կուսակցութեան մէկ մասը կը գործէ թէ՛ Ազգային ժողովին մէջ, թէ՛ կը «դեգերի» անկէ դուրս, մեծամասնութեան կարծիքով, նախկին նախագահ Սերժ Սարգսեանի ցուցմունքներով եւ միջամտութեամբ:

Այո՛, ժողովուրդին մեծ մասը գոհ է նախորդ իշխանութեան տապալումէն, բայց, առնուազն, վերապահ է այն գործելածներէն, երբ բացայայտուած եւ հաստատուած յանցագործներ (ինչպէս՝ «Հայաստան» հիմնադրամի տնօրէն՝ Արա Վարդանեան, գնդապետ Մանուէլ Գրիգորեան, Սաշիկ Սարգսեան եւ զաւակունք, նաեւ ուրիշներ) երաշխաւորագինեցողով ազատ կ'արձակուին, մինչ ուրիշներ արդէն խոյս տուած են կամ աներեւոյթացած:

Աւելին, ժողովուրդը կողմնակից էր նախկին նախագահ Ռոպերթ Քոչարեանի բերման որոշումին ու զայն ամբաստանելու գործին, բայց, միեւնոյն ժամանակ մտահոգ, թէ ան կրնա՞յ մետասաներորդ պահուն «արդարացուիլ», այնքան ատեն որ Հանրապետականներ արդէն գործի լծուած են, իսկ արտաքին կողմեր նոյնպէս հետամուտ են Քոչարեանը «անպարտ» յայտարարելու քարոզչութեան:

Ժողովուրդը իրաւունք ունի նման մտմտութի մէջ իյնալու, վախնալով որ՝ ներքին եւ արտաքին ազդեցութիւններու լոյսին տակ, իշխանափոխութեան բարեկարգչական

գնացքին երթը կրնայ թեքիլ եւ երկիրն ու ժողովուրդը արիւնաքամած յանցապարտները... պրծնին, փրկութեան ճամբայ բանալով *հերթագրուած* մնացեալներուն:

Պետք չէ մոռնալ նաեւ ռուսական կողմին հետեւողականութիւնն ու աջալրջութիւնը՝ Հայաստանի մէջ պատահած իրադարձութիւններուն, ուղղակի թէ անուղղակիօրէն զգուշացումներու սլացքներ արձակելով, «չափ ու սահման» պահելու:

Հայկական Բանիկ գիւղին մէջ պատահածը – անակնկալ զինարձակումներ՝ ռազմափորձերու քօղին տակ, բաւական մեծ աղմուկ հանեց, քանի նախապէս չէր զգուշացուած բնակչութիւնը, հետեւաբար, ռուսական զօրագունդը ընդունեց իր «սխալ»ը եւ ներողութիւն խնդրեց Հայաստանէն:

Հայաստան չբաւականացաւ ասորմով, ատոր մէջ տեսնելով վտանգաւոր ոտնձգութիւն եւ մեխ՝ հայ-ռուսական յարաբերութիւններուն մէջ, որուն ռուսական կողմը հաշտ աչքով չնայեցաւ, իսկ արտաքին գործոց նախարար՝ Սերկէյ Լաւրով, զգաստանալու ոճի նշանակութեամբ ինքնապաշտպանական պատասխան մը տուաւ:

Բացառուած չէ, որ ռուսական կողմը, Բանիկ գիւղի փորձով, Հայաստանին յիշեցուց, որ «ես հոս եմ», նաեւ՝ յիշեցնել տալով Վրաստանի եւ Ուքրանիոյ օրինակները: Ասիկա հաւանականութիւն մըն է, որ բնաւ ալ հեռու չէ իրականութիւն ըլլալէ:

Այդուհանդերձ, Հայաստանը պետք է մնայ իր *հաւասարակշիռ* ու *սթափ* քաղաքականութեան մէջ, *հաւասարաչափ* հեռաւորութիւն պահելով բոլորին հետ, երբեք չմոռնալով աշխարհագրական իր «փափուկ» դիրքը տարածաշրջանին մէջ:

Այս բոլորը կը նշանակեն, թէ իշխանափոխութիւնը պետք է պահէ իր բարենպաստ եւ օգտաշատ դերը, որուն առաջին կարգին՝ բռնապետական ոլորտէն հայրենիքն ու հայ ժողովուրդը ձերբազատելու պատմական քայլը ամրագրելով, քանի անոր յաջորդող եւ յաջորդելի քայլերը նոյնպէս ճակատագրական են, որոնց նկատմամբ պետք է որդեգրել չափազանց ուշադիր կեցուածք, արթուն պատրաստակամութիւն եւ ամրակուռ հաւատք:

iii

Անվիճելի է, որ Հայաստանը մուտք գործած է *աշխարհայնացումի* լայն դռնէն ներս, գիտակցաբար թէ ոչ, խանդավառելով հայ ժողովուրդին մեծ մասը, առանց անդրադառնալու որ կայ մետալին միւս երեսը:

Իսկ ի՞նչ կրնայ ըլլալ անոր միւս երեսը, եթէ ոչ արուարձաններն ու շրջանները, աւաններն ու գիւղերը, որոնց մեծ մասը անմխիթար թողլըւած վիճակի մէջ է, պետական հոգատարութենէ համարեա զրկուած:

Սփիւռքահայը արդեօք տեղեա՞կ է այդ տխուր իրավիճակէն, այցելած կամ

ծանօթացա՞ծ է անոնց անբաղձալի կեցութեան, թէ իրեն համար Երեւանն է հիմնականը, իր շքեղութեամբ ու փառաւորութեամբ, իր պերճանքով ու պճնանքով:

Երեւոյթներ, որոնք քաղաքամայրի մը համար, կրնան ըլլալ բարենիշներ, բայց, երբ ատոնք կը չափազանցուին, պատմական, մշակութային եւ ազգային կառոյցներու հաշուոյն, արդէն անոնք համազօր կը դառնան սրբապղծութեան:

Օրինակ. Ազգային Օփերան, համաշխարհային տարողութեամբ *կորթոյային պարծանք* մըն է եւ, ի՞նչ՝ անիկա շրջապատուած է հաճոյքի ու քիմքի կրպակներով, այն աստիճան որ զայն դիտելն ու վայելելը... անկարելի է, իսկ շրջափակը՝ Յովհաննէս Թումանեանի պատուանդան- արձանին շուրջ, մանկախաղերու... “լիւսափարք” է:

Ի դէպ, այս մասին օրին գրած էի ու քննադատած Քոչարեանական իշխանութիւնը (բայց, որո՞ւ հոգը): Այսպիսի բազմաթիւ “նմոյշ”ներ կարելի է բերել, որոնց շատերը քանդուած ու շինուած են, “անտէր” բնակիչներու բնակարաններու հաշուոյն, որոնք անհատոյց դուրս շարտուած են, որովհետեւ՝ Հիւսիսային պողոտայ պիտի շինուի (եղե՛ր) եւ Աբովեան հրաշագեղ պողոտան պիտի հատուի եւ անշքացուի, պարզապէս *համաշխարհայնացումի*ն յարմարուելու ի հաճոյութիւն:

iii

Ինչպէս ըսի, ժողովուրդը գերագոյն ցնծութիւն կ’ապրի, իշխանափոխութիւնը, ակելի ճիշդ՝ նախորդ իշխանութիւնները ի սպառ “կրողին ծոցը” տեսնելով, իր ամբողջական համակրանքը յայտնելով նորին, հետեւաբար, Մայիսէն ի վեր խնճոյք սարքելով ու խրախճանք կազմակերպելով, երգ յօրինելով, բանաստեղծութիւն գրելով, լոզունգ յայտարարելով, գովազդ հրապարակելով, եւ հազար ու մէկ արտայայտամիջոցներով Նիկոլ Փաշինեանը մեծարելով:

Սփիւռքահայը երբեմն նման տեսարաններ փառաբանելու... “վարպետ” է, ինչպէս Փաշինեանի Պրիւքսել այցելութեան առիթով, անտեղի ցուցադրականութիւններ եւ անիմաստ մսխումներ կատարելով (օրինակ իրենց ինքնաշարժերու թուահամարներուն վրայ Նիկոլին անունը սեղմագրելով, շօշափելի գումարներու փոխարէն, միւնչդեռ այդ նիւթականով կարելի էր Հայաստանին օգտակար դառնալ՝ փոքր, այլապէս կարելոր նպաստով մը):

Իմ մասնակի եւ առանձնակի գրոյցներուս ժամանակ ժողովուրդին համեստ թէ գիտակից դասակարգերուն հետ, միշտ կ’անդրադառնայի անոնց հոգեկան ապրումներուն եւ լիով կը բաժնեկցէի անոնց հրճուանքներուն, որոնք արդարացի էին, բայց, միեւնոյն ժամանակ դիտելի կու տայի.

*Հիմա որ հասած էք ձեր մուրազին, առանց դուրս գալու ձեր իրաւացի նուաճումին հոգեպարար եութենէն, չէ՞ք կարծեր որ, այդ բոլորին զուգահեռ եւ ակելի իւրաքանչիւր հայաստանցի պետք է, իր կարողութեան ու կարելիութեան սահմանին մէջ, զօրավիզ*

*Կանգնի Նոր իշխանության պետականության ու կառավարական գործի ամրացումին, որովհետեւ ատիկա համաժողովրդային պարտականություն մըն է:*

Շատերուն մօտ այդ ըմբռնողությունն ու հասունությունը կային, սակայն, այնքան ատեն որ Նոր “շոք”ին դրական ազդեցության տակ էին, չէին կրնար զսպել իրենց... պոռթկումները:

Իսկ *մտացի* ու *լրջախոհ* հատուածները, որոնք մեծ մասամբ գրիչի ու միտքի մարդ էին եւ ինծի գրչակից մտերիմներ, հարիւր տոկոսով համաձայն էին ու պատրաստ, իրենց ազգային-քաղաքացիական յանձնառութեամբ մասնակցելու այդ երթին (բայց, այս մասին՝ յաջորդիւ):

